

МОКШЕКС, ЭРЪКЕ ДИ ВОЛЯШИ!



Минь — иля масторга эряй Мокшень ломатне и Мокшень мялень канды Комитетсь.

Минь уleme ди ульхтяма эряф лангса, кода ба тя афоль эряв илятненди. Ванозь, кода полафты марнек масторса эряфсь, тейнек аф илядома полафтоширть эзда. Минь аш виденьке кадомс инголикс молемасть!

Сят, конатнень пякстазь кургсноп империять потмоса, ди сятка, конат тусть аф шта цебарь эряфть кувалма, ди конатненди сави эрямс иля масторга, минь сембе марс канттама мяляфкс эсь юроньконь колга. Минь ёряфтама кие коса Евразиянь континентса ди ламотне минь эздонк мяльсостка аф кирьдсазь, што синь мокшет. А вдь минь эздонк сняра, што Рузмасторса лувофтама оцю этносокс ди минь мастороньконь келец моли Равать, Донть ди Окать ёткова.

Ди маладсь стама пинге, шта сави кочкамс: тейнек марнек юмамс руснень ётка афток сявомс, кунаркиге кенерьф, эсьлацонь эряф. Минь, мокшетне, кафксть нолдаськ кяцьстонк тя якай тевть — 1917 ди 1991 кизотнень. Тячи минь эряфоньке арась нинге сяда стака сянкаса, што Кремлясь вяти «специальной военной операция», тюри Украинать мархта.

Рузмасторонь оцязорхне кучсесазь минь алянконь тюрема аф видешинкса, а кода пушкань палкс. Синь шавондовихть синць, ди шавихть аш мезенкса иля ломанть, конанц аш мезевок кальдявоц. Тянкаса максыхть «лазксонди» ярмак. Эсьоком путф ди кундаф валхнень инкс — «демилитаризация» ди «денацификация».

Инголень 100 кизоть, кагодлангса путф кода кирдемс ди ванфтомс мокшень ломанть ди сонь кяленц, а эряф лангса вятевсь сонь ассимиляцияц ди марнек ваймонц нардамшиц. Лемтьф «Россиянь Федерациясь» империянь проектсь тячи стама, кодама ульсь СССР-нь срадомать инголе. Ди малаткшни стама пинге, шта сонга срады ди минь иляттама кода повфтазь – аш юр, аш пильгала мода.

Тянь вельде минь путтама тейнтъ вал, Пурешень ди Нарчаткань тевсон вятиснонды! Сявода мяль, кит тинь ульхтяда ди лоткада вакса ётнемда эсь юронть фталга! Минь тинь мархтонь аф «мордватама». Минь — мокшетама!

Минь улихть минцень прякеподемань тевоньке, апак ватт рузоннетнень лангс. Аньцек пштай юрнек нардафт эздонк тяфтама арьсематне, кода эсь прянь маряма ди эсь

прянь няфтема. Минь кяленьке сире ди сяви ушеткс нинге Хазаронь Каганатть пингста. А пингелувкссь терди эсонк Серня ошень тюреманы ди Томбунь (Антоновскый) стяма каршектнень вайгяльса. Конат мярьгихть лоткамс пелемда минь тапаеньконь эзда. Сятнень эзда, конат бта минь вайгяльсонк ди минь ваймосонк вятъсазь Мокшень масторть марнек тевонц.

Аньцек нят путфт москувонь Кремлянь оцязорхнень мяльсон кирдема. Тейнек эряви кеподемс пряньконь ди лоткамс нолдафпрат эрямда. Лоткамс кяшендемс минцень мокшень коеньконь рузонь койть фталу.

Минь няйсаськ, кода вятихть эсь тевсон, минь мархтонк фкя юрста лисьф, Европаса эряйхне: фиттне, эстонецне ди венгрхне. Конат ванфтозь аф аньцек эсь, киндиге илянди аф яфоди, шиснон (уникальность), башка ди сявовсть эсь прянь ванфтомши. Синь тиезь эсь масторснон инголи молевикс ди аф кальдявста кулевикс марнек модалангса. Тячи синь покайхть аф Москуть козяфтоманкса, а эсьтиест, эсь сайпингснон мазыста тиеманкса. Ванозь ся пjali, шта тячи минь эрятама стама эряфса, коса лама од технологияда, тейнек ули максф ётамс синь воляшинь киснон нинге сяда куроқта.

Мокшет!

Минь тинь мархтонт ащетьяма фкя ваймоса ди терттыдязь — саты удомс. Ди лоткада пелемда. Инголькиге тинць, эсь юронть эзда, а сяльде ди Москуть колониальной режимонц эзда. Конац аньцек кяльпрясонза максы тейнек мазы эряф, а сонць тии эздонк козяшинь кандыхть. Аньцек аф эсьтинек, а тейст. Тячи малаткшни пингсь няфти, шта Кремлясь льмбйя ди куроқ аф муй ёжот вятемс минь эсь кигаванза. Сяс сась юронь кеподема пингсь.

Минь, илямасторга эряйхне, лезттама тейнтъ сняра, мзяра мутама вий. Тя минь марстонь тевоньке — тиемс эсь мастороньконь мазыкс эсьтиньк ди одшачи мокшетненди. Сяфтыяма фкя-фкянь кятте. Кивок ди мезевок аф лоткафтсы сянъ, конанди сась пинге!

Мяленьке пышкядемс минь фкяюронь-плямань финонь-угрань ялганьконди. Минь ломаненьке ламос киртеть, тиендезь пряснон рузкс. Тиендезь семботь стане, штоба вятемс хъш коданга эряфть инголи, колониальной режимть ёткаса.

Илядомс тянь мархта, ванозь кодама кальдяв канды режимсь Украинав ди Европав, сяда лама вий ашезь иляд. Кенярттыяма, къда тинь макстада миньдейнек аф аньцек валса кирдема, башка ди азсасть кода вятемат тевоньке. Минь марс мутама мезе тиемс сянкса, штоба аф максомс нолдамс апак мръдак удома финно-угрань юронь ломаттнень рузонь вельхтыямать, вестенге аф сьргозыкшни, тираниянц алу.

Паронь арьсезь, иля масторга эряй Мокшень ломаттнень мялень канды Комитетсь.

Будапешт, 19-це кельмазковста 2022.